



周禮

二

服部文庫  
117  
180  
2



117  
180  
2



周禮卷四

漢大司農北海鄭玄註

皇明後學東吳葛彙訂

冢宰治官之職

膳夫掌王之食飲膳羞以養王及后世子。

食飯也。飲酒漿也。膳牲肉也。羞有滋味者。凡養之具大略有四。○食音嗣。飯扶萬反。

凡王之饋食用六穀。膳用六牲。飲用六清。羞用百二十品。珍用八物。醬用百有二十。糗。

進物於尊者曰饋。此饋之盛者。王舉之饌也。六牲馬牛羊豕犬雞也。羞出於牲及禽獸。以備滋味。謂之糜。蓋公食大夫禮內則。

周禮

卷四 冢宰治官之職

一

下大夫十六，上大夫二十，其物數備焉。天子諸侯有其數，而物未得盡聞。珍謂淳熬、淳母、炮豚、炮脾、擗珍、漬熬、肝、管也。醬謂醢醢也。王舉則醢人共醢六十，以五畜七醢。七菹三藟實之。醢人共菹，菹醢物六十，鄭司農云：羞進也。六穀稌黍稷梁麥苽苽，彫胡也。六清，水漿醴醕醢醢。○番屋貢反，饌仕眷反，淳之純反，熬五刀反，母莫胡反，擗作郎反，齋作西反，鬱奴兮反，稌他古反，苽古吳反，醢本又作涼醢，以支反。

王日一舉，鼎十有二，物皆有俎。

殺牲盛饌曰舉。王日一舉以朝食也。后與王同庖，鼎十有二，牢鼎九，陪鼎三，物謂牢鼎之實亦九俎。○朝如字。

以樂侑食，膳夫授祭，品嘗食，王乃食。

侑猶勸也。祭謂剝肺脊也。禮飲食必祭，示有所先。品者，每物皆嘗之，道尊者也。○判寸本反。

卒食，以樂徹于造。

造，作也。鄭司農云：造，謂食之故所居處也。已食徹置故處。

王齊，日三舉。

鄭司農云：齊，必變食。

大喪則不舉。大荒則不舉。大札則不舉。天地有裁則不舉。邦有大故則不舉。

大荒，凶年。大札，疫癘也。天裁，日月晦食，地裁，崩動也。大故，寇戎之事。鄭司農云：大故，刑殺也。春秋傳曰：司寇行戮，君為之不舉。○裁音災，疫音役。癘音厲，為于僞反。

王燕食，則奉膳贊祭。

燕食，為日中與夕食。奉膳，奉朝之餘膳。所祭者牢肉。

左莊二十五年

凡王祭祀賓客食則徹王之胙俎

膳夫親徹胙俎。胙俎最尊也。其餘則其屬徹之。賓客食而王有胙俎。王與賓客禮食。主人飲食之俎。皆為胙俎。見於此矣。

凡王之稍事設薦脯醢

鄭司農云。稍事為非日中大舉時而間食。謂之稍事。膳夫主設薦脯醢。玄謂稍事有小事而飲酒。○間劉古菟反。

王燕飲酒則為獻主

鄭司農云。主人當獻賓則膳夫代王為主。君不敵臣也。燕義曰。使宰夫為獻主。臣莫敢與君亢禮。

掌后及世子之膳羞

亦主其饌之數。不饋之耳。

凡肉脩之頒賜皆掌之

鄭司農云。修脯也。

凡祭祀之致福者受而膳之

致福謂諸臣祭祀。進其餘肉歸胙于王。鄭司農云。膳夫受之以給王膳。

以摯見者亦如之

鄭司農云。以羔雁雉為摯。摯見者亦受以給王膳。

歲終則會唯王及后世子之膳不會

不會計多少。優尊者其頒賜諸臣則計之。

庖人掌共六畜六獸六禽辨其名物

六畜六牲也。始養之曰畜。將用之曰牲。春秋傳曰。十日曰牲。鄭司農云。六獸。麋鹿熊麋野豕兔。六禽。雁鶉鷄雉鳩鶩。玄謂獸人

司農

冢宰治官之職

三

天懷堂

左傳三十一年

冬獻狼夏獻麋又內則無熊則六獸當有狼而熊不屬六禽於禽獸及六摯宜為羔豚犢麋雉雁凡鳥獸未孕曰禽司馬職曰大獸公之小禽私之○麋亦作麇居倫反鶉音純鶉於諫反鶉古今合反麇音迷

凡其友生蠶菱之物以其王之膳與其薦羞之物及后世子之膳羞

凡計數之薦亦進也備品物曰薦致滋味乃為羞王言薦者味以不藜為尊鄭司農云鮮謂生肉菱為乾肉○蠶悉然反菱古老反數色柱反

其祭祀之好羞

謂四時所為膳食若荆州之鱧魚青州之蟹胥雖非常物進之孝也○好呼報反鱧側雅反

其喪紀之庶羞賓客之禽獻

喪紀喪事之祭謂虞祔也禽獻獻禽於賓客獻古文為獸杜子春云當為獻

凡令禽獻以灋授之其出入亦如之

令令獸人也禽獸不可久處賓客至將獻之庖人乃令獸人取之必書所當獻之數與之及其來致禽亦以此書按數之至于獻賓客又以此書付使者展而行之掌客乘禽於諸侯各如其命之數聘禮乘禽於客日如其饗儀之數士中日則二隻○令力呈反使所吏反乘繩證反

凡用禽獻春行羔豚膳膏香夏行腍鱠膳膏臊秋行犢麋膳膏腥冬行鱧羽膳膏膻

用禽獻謂煎和之以獻王鄭司農云膏香牛脂也以牛脂和之腍乾雉鱠乾魚膏臊豕膏也以豚膏和之杜子春云膏臊犬膏膏腥豕膏也鮮魚也羽雁也膏膻羊脂也玄謂膏腥雞膏也羔豚物生而肥犢與麋物成而充腍鱠燠熱而乾魚雁水涸而性

反

歲終則會唯王及后之膳禽不會。

膳禽四時所膳禽獻加世子可以會之。

丙饗掌王及后世子膳羞之割亨煎和之事辨體名肉物辨百品味之物。

割肆解肉也亨煮也煎和齊以五味體名脊脅肩臂膈之屬肉物載膳之屬百品味庶羞之屬言百舉成數○亨音庚反注同肆託歷反齊才細反載側吏反膳音燔

王舉則陳其鼎俎以牲體實之。

取於鑊以實鼎取於鼎以實俎實鼎曰齊實俎曰載○齊職升反

選百羞醬物珍物以俟饋。

先進食之時恒選擇其中御者。

其后及世子之膳羞。

膳夫掌之是乃其之。

辨腥臊羶香之不可食者。牛夜鳴則腐。羊冷毛而羸羶。犬赤股而躁。豚烏曠色而沙。鳴狸豕育眦而交睫。腥馬黑脊而般臂。蠖

腥臊羶香可食者是別其不可食者則所謂者皆臭味也冷毛毛長總結也曠失色不澤美也沙澌也交睫腥腥當為星聲之誤也肉有如米者似星般臂臂毛有文鄭司農云腐朽木臭也蠖蠖站臭也杜子春云盲眦當為望視○腐音由冷音零曠本

又作糝芳表反狸音鬱音亡亮反毗音視睫音接般音班嘍音樓別彼列反漸音西姑音姑

凡宗廟之祭祀。掌割亨之事。凡燕飲食亦如之。凡掌其羞。修刑。膾。胖。骨。鱠。以待其膳。

掌共。共當為具。羞。羞。羞也。修。鍛。脯也。胖。如。脯。而。腥。者。鄭。司。農。云。刑。膾。謂。夾。脊。肉。或。曰。膾。肉。也。骨。鱠。謂。骨。有。肉。者。玄。謂。刑。錮。羹。也。膾。腍。肉。大。變。所。以。祭。者。骨。柱。體。也。鱠。乾。魚。○。共。羞。其。依。注。音。具。膾。火。吳。反。胖。普。半。反。鍛。丁。亂。反。腍。直。輒。反。膾。力。轉。反。

凡王的好賜肉修。則饗人共之。

好賜王所善而賜也。○好呼報反注同

外饗。掌外祭祀之割亨。共其脯。修刑。膾。陳其鼎俎。實之牲體。魚。腊。凡賓客之殮。饗饗食之事。亦如之。

殮。客。始。至。之。禮。饗。既。將。幣。之。禮。致。禮。於。客。莫。盛。於。饗。○。食。音。嗣。

邦饗耆老。孤子。則掌其割亨之事。饗士。庶子。亦如之。

孤子者。死王事者之子也。士。庶子。衛王宮者。若今時之饗。衛士矣。王制曰。周人養國老於東膠。養庶老於虞庠。

師役。則掌其獻。賜脯肉之事。

獻。謂。酌。其。長。帥。○。帥。色。類。反。

凡小喪紀。陳其鼎俎而實之。

謂。喪。事。之。奠。祭。

亨人。掌其鼎鑊。以給水火之齊。

鑊。所。以。煮。肉。及。魚。腊。之。器。既。孰。乃。齊。于。鼎。齊。多。少。之。量。○。齊。才。細。反。注。同。

職外內饗之饗亨煎辨膳羞之物。

職主也饗今之饗主於其寵煮物。○饗七亂反。

祭祀共大羹鉶羹賓客亦如之。

大羹肉清鄭司農云大羹不致五味也。鉶羹加鹽菜矣。○羹音庚潛去及反。

甸師掌帥其屬而耕耨王藉以時入之以共齋盛。

其屬府史胥徒也耨芸芋也王以孟春躬耕帝藉天子三推三公五推卿諸侯九推庶人終於千畝庶人謂徒三百人藉之言借也王一耕之而使庶人芸芋終之齋盛祭祀所用穀也案稷也穀者稷為長是以名云在器曰盛。○齋音資芋音子推出誰反又他。回反。

祭祀共蕭茅。

天子至諸侯月令文庶人周語文望稷爾雅文

士禮禮曰束茅長五寸五於几東謂之直

大雅生民

鄭大夫云蕭字或為茵茵讀為縮束茅立之祭前沃酒其上酒滲下去若神飲之故謂之縮縮浚也故齊桓公責楚不貢苞茅王祭不共無以縮酒杜子春讀為蕭蕭香蒿也玄謂詩所云取蕭祭脂郊特牲云蕭合黍稷臭陽達於牆屋故既薦然後炳蕭合馨香合馨香者是蕭之謂也茅以其祭之直亦以縮酒直以藉祭縮酒沛酒也醴齊縮酌。○茵所六反滲所鳩反浚荀閏反炳加悅反苴音租沛子禮反齊才細反。

其野果疏之薦。

甸在遠郊之外郊外曰野果桃李之屬。疏瓜瓠之屬。○疏力果反疎大結反。

喪事代王受胥栽。

案盛者祭祀之主也今國遭大喪若云此黍稷不馨使鬼神不逞于王既殯大祝作禱辭授甸人使以禱藉田之神受胥栽。弔殃。

授甸人大祝職

甸

甸 冢宰治官之職

二

大司馬



王之同姓有辜則死刑焉。

鄭司農云王同姓有罪當刑者斷其袂於甸師之官也文王世子曰公族有死罪則磔於甸人又曰公族無官刑獄成致刑于甸人又曰公族無官刑不踐其類也刑于隱者不與國人慮兄弟

帥其徒以薪蒸役外內饗之事。

役為給役也木大曰薪小曰蒸

獸人掌豎田獸辨其名物。

豎罔也以罔捕所當田之獸

冬獻狼夏獻麋春秋獻獸物。

狼膏聚麋膏散聚則溫散則涼以救時之苦也獸物凡獸皆可獻也及狐狸

搏

時田則守罟。

備獸觸攫○攫俱縛反又俱碧反

及弊田令禽注於虞中。

弊什也什而田止鄭司農云弊田謂春火弊夏車弊秋羅弊冬徒弊虞中謂虞人釐所田之野及弊田植虞旗於其中致禽而珥焉獸人主令田衆得禽者置虞人所立虞旗之中當以給四時社廟之祭故曰春獻禽以祭社夏獻禽以享禴秋獻禽以祀祫冬獻禽以享烝又曰大獸公之小禽私之公之謂輸之於虞中珥焉者取左耳以致功若斬首折馘故春秋傳日以數軍實○什音卜反又音赴釐音來本亦作萊珥如志反祫音方馘古獲反

凡祭祀喪紀賓客共其死獸生獸。

共其定者

春獻至私之司馬職文  
隱三年襄二十四年

凡獸入于腊人。

當乾之。

皮毛筋角入于玉府。

給作器物。

凡田獸者掌其政令。

敝人掌以時敝為梁。

月令季冬命漁師為梁鄭司農云梁水偃也偃水為關空以筒承其空詩曰敝筥在梁○敝音漁空戚音孔續字彙偃互堰同聲也

春獻王鮪。

王鮪鮪之大者月令季春薦鮪于寢廟○鮪位軌反

辨魚物為鱻鼈以其王膳羞。

鮮生也鼈乾也○鱻音鮮鼈本又作鱻

凡祭祀賓客喪紀共其魚之鱻鼈凡敝者掌其政令凡敝征入于

玉府。

鄭司農云漁征漁者之租稅漁人主收之入于玉府

鼈人掌取互物

鄭司農云互物謂有甲甫胡龜鼈之屬○甫莫手反

以時簞魚鼈龜蜃凡狸物。

蜃大蛤鄭司農云簞謂以杖刺泥中搏取之狸物龜鼈之屬自狸臧伏於泥中者玄謂狸物亦謂鱖刀舍漿之屬○簞勅角反

同禮

卷四

冢宰治官之職

九

禮記





十失三次之十失四為下。

食祿也全猶愈也以失四為下者五則半矣或不治自愈

食醫掌和王之六食六飲六膳百羞百醬八珍之齊。

和調也○食音嗣齊才細反下皆同

凡食齊眠春時。

食宜溫○眠音視

羹齊眠夏時。

羹宜熱

醬齊眠秋時。

醬宜涼

飲齊眠冬時。

飲宜寒

凡和春多酸夏多苦秋多辛冬多鹹調以滑甘。

各尚其時味而其以成之猶水火金木之載於土內則曰棗栗飴蜜以甘之薑苴粉榆燒煇槁滫瀡以滑之○和胡臥反飴以之反董音謹苴音祖粉符云反婉音問滫思酒反瀡相藥反

凡會膳食之宜牛宜稌羊宜黍豕宜稷犬宜粱鴈宜麥魚宜菰。

會成也謂其味相成鄭司農云稌稷也爾雅曰稌稍菰彫胡也○稌音杜菰音孤稷本亦作稌音庚

凡君子之食恒放焉。

周禮

卷五 冢宰治官之職

二

永懷堂

內則註謂用調和飲食也苴董類也久用董夏用苴榆白曰粉免新生者  
藁乾也秦人波曰滫者人滑曰瀡也  
董 午解 正名 五音 五音 五音  
知者 五音 五音 五音

放猶依也。○放甫往反。

疾醫掌養萬民之疾病，四時皆有癘疾。春時有疝，首疾；夏時有疥；秋時有癘，寒疾；冬時有嗽，上氣疾。

癘疾，氣不和之疾，瘡，酸削也。首疾，頭痛也。嗽，欬也。上氣，逆喘也。五行傳曰：六癘作見。○瘡音消，疥音介，嗽西豆反。上時，掌反。注同。欬，苦代反。喘，目。竟反。見賢遍反。

以五味五穀五藥養其病。

養，猶治也。病由氣勝負而生，攻其贏，養其不足者。五味，醴酒飴蜜薑鹽之屬。五穀，麻黍稷麥豆也。五藥，草木蟲石穀也。其治合之齊，則存乎神農子儀之術云。○贏音盈。後不音者，同合如字。又音閏。

以五氣五聲五色眡其死生。

晉流仲景至，匿神農能嘗百草，又中恒薄云，儀本草注云，若任子儀，周末人。

三者劇，易之微見於外者。五氣，五藏所出氣也。肺氣熱，心氣次之。肝氣涼，脾氣溫，腎氣寒。五聲，言語官商角徵羽也。五色，面貌青赤黃白黑也。察其盈虛，休王吉凶可知。審用此者，莫若扁鵲倉公。○易以鼓反。藏，才浪反。下同。徵，張里反。王，往况反。

兩之以九竅之變，參之以九藏之動。

兩參之者，以觀其死生之驗。竅之變，謂開閉非常。陽竅七，陰竅二。藏之動，謂脉至與不至。正藏五，又有胃膀胱大腸小腸脉之大候。要在陽明寸口，能專是者，其唯秦和乎。歧伯、榆拊，則兼彼數術者。○歧，其宜反。榆，羊朱反。本亦作俞。拊，劉音附。

凡民之有疾病者，分而治之，必終則各書其所以，而入于醫師。

少者曰死，老者曰終，所以謂治之不愈之狀也。醫師得以制其祿，且為後治之戒。○少，詩照反。

瘍醫掌腫瘍潰瘍，金瘍折瘍之祝藥，劑殺之齊。

腫瘍，癰而上生，創者潰瘍，癰而含膿血者金瘍，亦創也。折瘍，跌跌者，祝當為注，讀如注病之注，聲之誤也。注，謂附著藥劑，刮去。

同 卷之五十一 冢宰治官之職 三

元謂曰左昭元年奉使使醫和即秦和伯相留黃帝時人

凡療瘍以五毒攻之。

膿血殺謂以藥食其惡肉。○折時設反視之樹反副音刮齊才細反剗初良反踈於阮反跌待結反著音豬略反去恙呂反

以五氣養之以五藥療之以五味節之。

止病曰療攻治也。五毒五藥之有毒者。今醫方有五毒之藥。作之合黃堊置石膽丹砂雄黃礬石慈石其中燒之三日三夜其煙上著以鷄羽掃取之。以注剗惡肉破骨則盡出。○整本又作整徐音母又音務礬音豫著直略反

既刮殺而攻盡其宿肉乃養之也。五氣當為五穀字之誤也。節節成其藥之力。○五氣氣音穀出注

凡藥以酸養骨以辛養筋以鹹養脉以苦養氣以甘養肉以滑養

竅

以類相養也。酸木味木根立地中似骨辛金味金之纏合異物似筋鹹水味水之流行地中似脉苦火味火出入無形似氣其

土味土含載四者似肉滑滑石也。凡諸滑物通利往來似竅

凡有瘍者受其藥焉。

獸醫掌療獸病療獸瘍。

畜獸之疾病及瘍療同醫。○畜許又反

凡療獸病灌而行之以節之以動其氣觀其所發而養之。

療畜獸必灌行之者為其病狀難知灌以緩之且強其氣也。節趨聚之節也氣謂脉氣既行之乃以脉視之以知所病。○為于偽反聚本亦作驟同仕救反

凡療獸瘍灌而副之以發其惡然後藥之養之食之。

亦先攻之而後養之。○食音嗣





殺鳥兮反哉昨再反滿音  
糟臆本又作醴於紀反

掌其厚薄之齊以共王之四飲三酒之饌及后世子之飲與其酒

后世子不言饌其饋食不必具設之五齊正用禮  
為飲者取禮情與酒味異也其餘四齊味皆似酒

凡祭祀以灋共五齊三酒以實八尊大祭三貳中祭再貳小祭壹

貳皆有酌數唯齊酒不貳皆有器量

酌器所用注尊中者數量之多少未聞鄭司農云三貳三益副  
之也大祭天地中祭宗廟小祭五祀齊酒不貳為尊者質不敢  
副益也杜子春云齊酒不貳謂五齊以祭不益也其三酒人所  
飲者益也弟子職曰周旋而貳唯噍之視玄謂大祭者王服大  
裘袞冕所祭也中祭者王服鷩冕毳冕所祭也小祭者王服希  
冕玄冕所祭也三貳再貳一貳者謂就三酒之尊而益之也禮  
運曰玄酒在室醴醴在戶棗醴在堂澄酒在下澄酒是三酒也  
益之者以飲諸臣若今常滿尊也祭祀必用五齊者至敬不尚

味而貴多品。為于偽反噍苦筆反鷩必列反毳充芮反希本  
又作絺同張里反醴側產反棗才計反醴音體本亦作緹飲於  
鳩  
反

共賓客之禮酒共后之致飲于賓客之禮醫醴糟皆使其士奉之

禮酒王所致酒也王致酒后致飲夫婦之義糟醫醴不沛者沛  
曰清不沛曰糟后致飲無醴醫醴不清者與王同體屈也亦因  
以少為貴士謂  
酒人漿人奄士

凡王之燕飲酒共其計酒正奉之

共其計者獻酬多少度當足也故書酒正無酒  
字鄭司農云正奉之酒正奉之也。度徒洛反

凡饗士庶子饗耆老孤子皆共其酒無酌數

要以醉  
為度

掌酒之賜頒皆有灋以行之。

灋尊卑之差

凡有秩酒者以書契授之。

鄭司農云有秩酒者給事中守之酒秩常也常受酒者國語曰至于今秩之玄謂所秩者謂老臣王制曰七十不俟朝八十月告存九十日有秩○朝直遙反

酒正之出日入其成月入其要小宰聽之。

出謂授酒材及用酒之多少也受用酒者日言其計於酒正酒正月盡言於小宰

歲終則會唯王及后之飲酒不會以酒式誅賞。

誅賞作酒之善惡者

楚語

酒人掌為五齊三酒祭祀則共奉之以役世婦。

世婦謂宮卿之官掌女宮之宿戒及祭祀比其具酒人共酒因皆與其奚為世婦役亦官聯○此必履反又毗志反

共賓客之禮酒飲酒而奉之。

酒正使之也禮酒饗燕之酒飲酒食之酒此謂給賓客之稍王不親饗燕不親食而使人各以其賈以酬幣侑幣致之則從而以酒往○親食音嗣

凡事共酒而入于酒府。

入于酒正之府者是王燕飲之酒酒正當奉之

凡祭祀共酒以往。

不言奉小祭祀

禮記

卷五 家宰治官之職

七

禮記

賓客之陳酒亦如之。

謂若歸饗餼之酒亦自有奉之者以酒從往。

漿人掌共王之六飲水漿醴涼醫醕入于酒府。

王之六飲亦酒正當奉之醴醴清也醕司農云涼以水和酒也玄謂涼今寒粥若糗飯雜水也酒正不辨水涼者無厚薄之辨○換丘西反

共賓客之稍禮。

稍禮非發饗之禮留間王稍所給賓客者漿人所給亦六飲而已○間如字徐音淵

共夫人致飲于賓客之禮清醴醫醕糟而奉之。

亦酒正使之三物有清有糟夫人不體王得備之禮飲醴用柶者糟也不用柶者清也○柶音四

士冠禮子用醴有柶

凡飲共之。

謂非食時

凌人掌冰正歲十有二月令斬冰三其凌。

正歲季冬火星中大寒冰方盛之時春秋傳曰火星中而寒暑退凌冰室也三之者為消釋度也故書正為政鄭司農云掌冰政主藏冰之政也杜子春讀掌冰為主冰也政當為正正謂夏正三其凌三倍其冰

春始治鑑。

鑑如甄大口以盛冰置食物于中以禦溫氣春而始治之為二月將獻羔而啓冰○甄直僞反盛音成為于僞反

凡外內饗之膳羞鑑焉凡酒漿之酒醴亦如之。

酒醴見溫氣亦失味酒漿酒人漿人也

甸豐

卷五 冢宰治官之職

八

禮記

昭三年傳

祭祀共冰鑑賓客共冰。

不以鑑往嫌使停膳羞。

大喪共夷槃冰。

夷之言尸也。實冰于夷槃中。置之尸牀之下。所以寒尸。尸之槃曰夷槃。牀曰夷牀。衾曰夷衾。移尸曰夷于堂。皆依尸而為言者也。漢禮器制度。大槃廣八尺。長丈二尺。深三尺。漆赤中。

夏頒冰掌事。

暑氣盛。王以冰頒賜。則主為之。春秋傳曰。古者日在北陸而藏冰。西陸朝覲而出之。

秋刷。

刷。清也。鄭司農云。刷除冰室。當更內新冰。玄謂秋涼。冰不用。可以清除其室。○刷所劣。反清如字。又才政反。

昭四年傳

邊人掌四邊之實。

邊。竹器。如豆者。其容實皆四升。

朝事之邊其實。麩。黃白。黑形鹽。膾。鮑魚。鱮。

黃。泉實也。鄭司農云。朝事謂清朝未食。先進寒具。口實之邊。故麥曰麩。麻曰黃。稻曰白。黍曰黑。築鹽以為虎形。謂之形鹽。故春秋傳曰。鹽虎形。玄謂以司尊彝之職。參之朝事。謂祭宗廟。薦血腥之事。形鹽。鹽之似虎者。膾。鮑魚。為大鱗鮑者。於福室中糗乾之。出於江淮也。鱮者。析乾之。出東海。王者備物。近者腥之。遠者乾之。因其宜也。今河間以北。煮種麥賣之。各曰逢。燕人膾魚。方寸。切其腴。以啗所貴。○麩。芳弓。反。黃。符文。反。膾。火吳反。鱮。所求。反。泉。思里反。腴。直輒反。福。皮逼反。種。直龍反。啗。徒覽反。

饋食之邊。其實棗。棗。桃。乾。榛。榛。實。

饋食。薦孰也。今吉禮存者。特牲少牢。諸侯之大夫。上祭禮也。不裸。不薦血腥。而自薦孰始。是以皆云饋食之禮。乾。榛。乾。梅也。有

周禮

卷五

冢宰治官之職

九

禮記

桃諸梅諸是其乾者榛似栗而小  
○榛音老少詩詔反裸古亂反

加籩之實。菱芡。棗脯。菱芡。棗脯。

加籩謂尸既食后亞獻尸所加之籩重言之者以四物為八籩  
菱芡也芡雞頭也栗與饋食同鄭司農云菱芡脯脩○菱音陵  
芡音險棗古栗字重  
直用反芡其寄反

羞籩之實。糗餌。粉飧。

羞籩謂若少牢主人酬尸宰夫羞房中之羞于尸侑主人主婦  
皆右之者故書飧作芡鄭司農云糗熬大豆與米也粉豆屑也  
芡字或作飧謂乾餌餅之也玄謂此二物皆粉稻米黍米所為  
也合蒸曰餌餅之曰飧糗者搗粉熬大豆為餌飧之黏著以粉  
之耳餌言糗飧言粉互相足○餌而志  
反飧昨資反為餌于偽反著直略反

凡祭祀共其籩薦羞之實。

薦羞皆進也米食未飲  
曰薦既食既飲曰羞

喪事及賓客之事共其薦籩羞籩。

喪事之籩  
謂殷尊時

為王及后世子共其內羞。

於其飲食以  
共房中之羞

凡籩事掌之。

周禮卷五 終

醢人掌四豆之實。朝事之豆。其實韭菹醯醢。昌本麋藟菁菹鹿藿  
 菹菹麋藟。

周禮卷六

漢大司農北海鄭玄註

皇明後學東吳葛萬訂

冢宰治官之職

醢人掌四豆之實。朝事之豆。其實韭菹醯醢。昌本麋藟菁菹鹿藿  
 菹菹麋藟。

醢肉汁也。昌本。昌蒲根。切之四寸為菹。三藟亦醢也。作醢及藟者。必先膊乾其肉。乃後莖之。雜以梁麴及鹽。漬以美酒。塗置瓶  
 中。百日則成矣。鄭司農云。麋藟。麋肝髓醢。或曰。麋藟。醬也。有骨  
 為藟。無骨為醢。菁菹。韭菹。鄭大夫讀菹為茅。茅菹。茅初生。或曰。  
 菹。水草。杜子春讀菹為卯。玄謂菁。蔓菁也。菹。鳧葵也。凡菹醢皆  
 以氣味相成。其狀未聞。○韭音久。菹。莊魚反。醢。吐感反。藟。乃兮。

反菁作寧反茆音卯北人音柳麋京  
倫反膊音博反莖倉臥反胥戶諫反

饋食之豆其實葵菹羸醢脾析麇醢蜃蜺醢豚拍魚醢。

羸蜺喻蜃大蛤蜺蜺子鄭司農云脾析牛百葉也麇蛤也鄭大夫杜子春皆以拍為膊謂脊也或曰豚拍肩也今河間各豚脅聲如銀縛○羸力禾反脾婢支反麇蒲佳反蜃市軫反拍音博蜺音移喻音掄蜺魚綺反膊音搏

加豆之實芹菹兔醢淡蒲醢醢筍菹魚醢。

芹楚葵也鄭司農云淡蒲蒲弱入水滾故曰淡蒲或曰淡蒲桑耳醢醢肉醬也筍水中魚衣故書鴈或為鶉杜子春云當為鴈玄謂淡蒲蒲始生水中子筍箭萌筍竹萌○筍音迨筍息尹反鶉音弱

羞豆之實醢食糝食。

鄭司農云醢食以酒醢為餅糝食菜餗蒸玄謂醢糝也內則曰取稻米舉搔溲之小切狼臠膏以與稻米為糝又曰糝取牛羊

豕之肉三如一一音小切之與稻米稻米二肉一合以為餌煎之○醢食音嗣糝素感反糝之然反搔思柳反溲所柳反臠昌蜀反

栗

凡祭祀共薦羞之豆實賓客喪紀亦如之為王及后世子共其內  
羞王舉則共醢六十壘以五齊七醢七菹三鶉實之。

齊當為壘五壘昌本脾析蜃豚拍淡蒲也七醢醢羸羸蜺魚兔鴈醢七菹韭菁茆葵芹筍筍菹三鶉麇鹿麇鶉也凡醢醬所和細切為壘全物若臠為菹少儀曰麇鹿為菹野豕為軒皆臠而不切麇為碎雞兔為宛脾皆臠而切之切葱若薤實之醢以柔之由此言之則壘菹之稱菜肉通○為王于僞反齊子西反下同臠直輒反少儀詩照反軒音獻辟必亦反

賓客之禮共醢五十壘。

致饗餼時

凡事共醴。

醴人掌共五齊七菹。凡醴物以共祭祀之齊。菹凡醴醬之物。賓客亦如之。

齊菹醬屬。醴人者皆須醴成味。○齊子兮反。下皆同。

王舉則共齊菹醴物六十甕。其后及世子之醬齊菹。賓客之禮共醴五十甕。凡事共醴。

鹽人掌鹽之政令以共百事之鹽。

政令謂受人教所處置求者所當得。

祭祀共其苦鹽散鹽。

杜子春讀苦為鹽。謂出鹽直用不凍治。鄭司農云散鹽凍治者。玄謂散鹽。驚水為鹽。○散悉但反。凍音練。驚音煮。鹽音古。

賓客共其形鹽散鹽。

形鹽。鹽之似虎形。

王之膳羞共飴鹽。后及世子亦如之。

飴鹽。鹽之恬者。今戎鹽有焉。

凡齊事。鬻鹽以待戒令。

齊事。和五味之事。鬻鹽。凍治之。○齊才細反。

冪人掌共巾冪。

共巾。可以覆物。○冪莫歷反。

冪

冪人掌共巾冪

三

冪

鹽注同



祭祀以疏布巾冪八尊。

以疏布者天地之神尚質。

以畫布巾冪六彝。

宗廟可以文畫者畫其雲氣與。

凡王巾皆黼。

四飲三酒皆畫黼周尚武其用文德則黻可。

官人掌王之六寢之脩。

六寢者路寢一、小寢五、玉藻曰朝辨色始入君日出而視朝退適路寢聽政使人視大夫大夫退然後適小寢釋服是路寢以治事小寢以時燕息焉春秋書魯莊公薨于路寢僖公薨于小寢是則人君非一寢明矣○朝直遙反

勅

為其井匱除其不蠲去其惡臭

井漏井所以受水潦蠲猶潔也詩云吉蠲為饋鄭司農云匱路廁也玄謂匱豬謂雷下之池受畜水而流之者○匱於建反蠲古玄反去起呂反饋尺志反雷力救反畜救六反

共王之沐浴。

沐浴所以自潔清。

凡寢中之事埽除執燭共鑪炭凡勞事。

勞事勞藝之事

四方之舍事亦如之。

從王適四方及會同所舍

甸

冢宰治官之職

四

禮記

掌舍掌王之會同之舍設棊桓再重。

故書桓為柜。鄭司農云：棊，椽也。柜，受居溜水。澗，澗者也。杜子春讀為棊。桓，棊也。謂行馬。玄謂行馬再重者，以周衛有外內列。○棊，步禮反。桓，戶故反。重，直龍反。柜，音矩。溜，力救反。澗，色邁反。

設車宮轅門。

謂王行止宿阻險之處，備非常。次，幸以為藩，則仰車以其轅表門。

為壇墪宮棘門。

謂王行止宿平地，築壇，又委墪土起墪埒，以為宮。鄭司農云：棘門，以戟為門。杜子春云：棘門，或為材門。○墪，唯季反。埒，音劣。

為帷宮設旌門。

謂王行晝止，有所展，若食息，張帷為宮，則樹旌以表門。

肆

無宮則共人門。

謂王行有所逢遇，若住遊觀，陳列周衛，則立長大之人以表門。○觀，工喚反。

凡舍事則掌之。

王行所舍止。

幕人掌帷幕幄帟綬之事。

王出宮，則有是事。在旁曰帷，在上曰幕。幕或在地，展陳于上。帷幕皆以布為之。四合象宮室曰幄。王所居之帳也。鄭司農云：帟，平帳也。綬，組綬，所以繫帷也。玄謂帟主在幕，若幄中坐上承塵，幄帟皆以繒為之。凡四物者，以綬連繫焉。○帟，音亦。

凡朝覲會同軍旅田役祭祀共其帷幕幄帟綬。

共之者，掌次當以張。

司農

卷六 冢宰治官之職

五

禮記

大喪共帷幕帝綬

為賓容飾也帷以帷堂或與幕張之於庭帝在楹上

三公及卿大夫之喪共其帟

唯士無帟王有惠則賜之檀弓曰君於士有賜帟

掌次掌王次之灋以待張事

灋犬小丈尺

王大旅上帝則張氈案設皇邸

大旅上帝祭天於圓丘國有故而祭亦曰旅此以旅見祀也張氈案以氈為牀於幄中鄭司農云皇羽覆上邸後版也玄謂後版屏風與染羽象鳳皇羽色以為之○邸當禮反

朝日祀五帝則張大次小次設重帟重案合諸侯亦如之

朝日春分拜日於東門之外祀五帝於四郊次謂幄也大幄初往所止居也小幄謂接祭退侯之處祭義曰周人祭日以朝及闇雖有強力孰能支之是以退侯與諸臣代有事焉合諸侯於壇王亦以時休息重帟復帟重案牀重席也鄭司農云五帝五色之帝○朝直遙反注朝日同重直龍反注同

師田則張幕設重帟重案

不張幄者於是臨誓衆王或回顧占察

諸侯朝覲會同則張大次小次

大次亦初往所止居小次即宮待事之處

師田則張幕設案

卷六 冢宰治官之職

鄭司農云師田謂諸侯相與師田者謂此掌次張之諸侯從王而師田者

孤卿有邦事則張幕設案

有邦事謂以事從王若以王命出也孤王之孤三人副三公論道者不言公公如諸侯禮從王祭祀合諸侯張大次小次師田亦張幕設案

凡喪王則張帟三重諸侯再重孤卿大夫不重

張帟極上承塵

凡祭祀張其旅幕張尸次

旅衆也公卿以下卽位所祭祀之門外以待事爲之張大幕尸則有帳鄭司農云尸次祭祀之尸所居更衣帳○爲于僞反

射則張耦次

耦俱升射者次在洗東犬射曰遂命三耦取弓矢于次

掌凡邦之張事

天府掌九貢九賦九功之貳以受其貨賄之入頒其貨于受藏之

府頒其賄于受用之府

九功謂九職也受藏之府若內府也受用之府若職內也凡貨賄皆藏以給用耳良者以給王之用其餘以給國之用或言受藏或言受用又雜言貨賄皆互文○藏才浪反注受藏同

凡官府都鄙之吏及執事者受財用焉

凡頒財以式灋授之關市之賦以待王之膳服邦中之賦以待賓

客四郊之賦以待稍秣家削之賦以待匪頒邦甸之賦以待工事

邦縣之賦以待幣帛。邦都之賦以待祭祀。山澤之賦以待喪紀。幣餘之賦以待賜予。

待猶給也。此九賦之財給九式者。膳服即羞服也。稍秣即芻秣也。謂之稍稍用之物也。喪紀即喪荒也。賜予即好用也。鄭司農云。幣餘使者有餘來還也。玄謂幣餘占賣國之斥幣。秣音未。好呼報反。下同。使色吏反。

凡邦國之貢以待甲用。

此九貢之財所給也。給甲用。給凶禮之五事。

凡萬民之貢以充府庫。

此九職之財充。猶足。

凡式貢之餘財以共玩好之用。

謂先給九式及甲用。足府庫而有餘財。乃可以共玩好。明玩好非治國之用。言式言貢。互文。

賦用。

歲終則以貨賄之入出會之。

王府掌王之金玉玩好兵器。凡良貨賄之藏。

良善也。此物皆式貢之餘財所作。其不良。又有受而藏之者。好呼報反。藏才浪反。注同。

共王之服玉佩玉珠玉。

佩玉者。王之所帶者。玉藻曰。君子於玉比德焉。天子佩白玉而玄組紱。詩傳曰。佩玉。上有葱衡。下有雙璜。衡牙。璜珠以納其間。鄭司農云。服玉冠飾。十二玉。音類。

衡

王齊則共食玉

玉是陽精之純者食之以禦水氣鄭司農云王齊當食玉屑

大喪共含玉復衣裳角枕角柶

角枕以枕尸鄭司農云復招魂也衣裳生時服招魂復魄于太廟至四郊角柶角七也以楔齒士喪禮曰楔齒用角柶楔齒者令可飯含玄謂復於四郊以綏○舍戶暗反楔先結反令力呈反飯扶晚反

掌王之燕衣服衽席牀第凡褻器

燕衣服者巾絮寢衣袍釋之屬皆良貨賄所成第簣也鄭司農云衽席單席也褻器清器虎子之屬○衽而甚反第側美反釋

劉音澤 賈音費

若合諸侯則共珠槃玉敦

莊三十一年

凡王之獻金玉兵器文織良貨賄之物受而藏之

敦槃類珠玉以為飾古者以槃盛血以敦盛食合諸侯者必割牛耳取其血歃之以盟珠槃以盛牛耳尸盟者執之故書珠為夷鄭司農云夷槃或為珠槃玉敦歃血玉器敦音對徐丁雷反盛音成歃色洽反

凡王之好賜共其貨賄

謂百工為王所作可以獻遺諸侯古者致物於人尊之則曰獻通行曰饋春秋曰齊侯來獻戎捷尊魯也文織畫及繡錦○織音志為于偽反遺唯季反

凡四方之幣獻之金玉齒革兵器凡良貨賄入焉

大用朝覲之頒賜

卷六 冢宰治官之職

依禮堂

諸侯朝聘所獻國珍

凡適四方使者共其所受之物而奉之。

王所以遺諸侯者○使所吏反

凡王及冢宰之好賜予則共之。

冢宰待四方賓客之小治或有所善亦賜予之

外府掌邦布之入出以共百物而待邦之用凡有灋者。

布泉也布讀為宣布之布其藏曰泉其行曰布取各於水泉其流行無不徧入出謂受之復出之共百物者或作之或買之待猶給也有法百官之公用也泉始蓋一品周景王鑄大泉而有二品後數變易不復識本制至漢惟有五銖久行王莽改貨而異作泉布多至十品今存於民間多者有貨布大泉貨泉貨布長二尺五寸廣一寸首長八分有奇廣八分其圓好徑二分半足

國語周語注食貨志

寸分

疏云直十五當三直五

枝長八分其右文曰貨左文曰布重二十五銖直貨泉二十五大泉徑一寸二分重十二銖文曰大泉直十五貨泉貨泉徑一寸重五銖右文曰貨左文曰泉直一也○數音朔奇紀宜反

共王及后世子之衣服之用凡祭祀賓客喪紀會同軍旅共其財用之幣齋賜予之財用。

齋行道之財用也聘禮曰問幾月之齋鄭司農云齋或為資今禮家定齋作資玄謂齋資同耳其字以齊次為聲從具變易古字亦多或○齋音咨

凡邦之小用皆受焉。

皆來受

歲終則會唯王及后之服不會。

司農

冢宰治官之職

禮記

貝

司會掌邦之六典八灋八則之貳以逆邦國都鄙官府之治

逆受而鉤考之

以九貢之灋致邦國之財用以九賦之灋令田野之財用以九功之灋令民職之財用以九式之灋均節邦之財用掌國之官府郊野縣都之百物財用凡在書契版圖者之貳以逆羣吏之治而聽其會計

郊四郊去國百里野甸稍也甸去國二百里稍三百里縣四百里都五百里書謂簿書契其最凡也版戶籍也圖土地形象田狹地廣

以參互攷日成以月要攷月成以歲會攷歲成

參互謂司書之要貳與職內之入職歲之出故書互為巨杜子春讀為參互○攷音考

以周知四國之治以詔王及冢宰廢置

周猶徧也言四國者本逆邦國之治亦鉤考以告

周禮卷六終

司會

冢宰治官之職

二

和懷堂



Blank columns for text on the right page.

周禮卷七

漢大司農北海鄭玄註

皇明後學東吳金蟠訂

冢宰治官之職

司書掌邦之六典八灋八則九職九正九事邦中之版土地之圖以周知入出百物以敘其財受其幣使人于職幣

九正謂九賦九貢正稅也九事謂九式變言之者重其職明本而掌之非徒相副貳也敘猶比次也謂鈞考其財幣所給及其餘見為之簿書故書受為授鄭司農云授當為受謂受財幣之簿書也玄謂亦受錄其餘幣而為之簿書使之入于職幣幣物當以時用之久藏將朽蠹○正音征注同此毗志反見賢通反

凡上之用財用必攷于司會。

上謂王與冢宰王雖不會亦當知多少而闕之司會以九式均節邦之財用

三歲則大計羣吏之治以知民之財器械之數以知田野夫家六

畜之數以知山林川澤之數以逆羣吏之徵令。

械猶兵也逆受而鉤考之山林川澤童枯則不稅○畜許又反

凡稅斂掌事者受灋焉及事成則入要貳焉。

灋猶數也應當稅者之數成猶畢也

凡邦治攷焉。

考其灋於司書

入

職內掌邦之賦入辨其財用之物而執其總以貳官府都鄙之財入之數以逆邦國之賦用。

辨財用之物處之使種類相從總謂簿書之種別與大凡官府之有財入若關市之屬

凡受財者受其貳令而書之。

受財受於職內以給公用者貳令者謂若今御史所寫下本奏其所可者書之若言某月某日某甲詔書出某物若干給某官某事○寫下戶嫁反

及會以逆職歲與官府財用之出。

亦參五鉤考之

而叙其財以待邦之移用。

司書

冢宰治官之職

二

承讓堂

亦鈞考今藏中餘見為之簿移用謂轉運給他○藏才浪反

職歲掌邦之賦出以貳官府都鄙之財出賜之數以待會計而攷之

以貳者亦如職內書其貳令而編存之

凡官府都鄙羣吏之出財用受式灋于職歲

百官之公用式灋多少職歲掌出之舊用事存焉

凡上之賜予以敘與職幣授之

叙受賜者之尊卑

及會以式灋替逆會

助司會鈞考羣吏之計

職幣掌式灋以敘官府都鄙與凡用邦財者之幣

幣謂給公用之餘凡用邦財者謂軍旅

振掌事者之餘財

振猶拊也檢也掌事謂以王命有所作為先言敘幣後言振財互之○拊音拯

皆辨其物而奠其錄以書揭之以詔上之小用賜予

奠定也故書錄為祿杜子春云祿當為錄定其錄籍鄭司農云揭之若今時為書以著其幣○揭其列反著直略反

歲終則會其出

凡邦之會事以式灋替之

考禮

卷十 冢宰治官之職

三

考禮

司裘掌為大裘以共王祀天之服。

鄭司農云大裘黑羔裘服以祀天示質

中秋獻良裘王乃行羽物。

良善也中秋鳥獸雉毳因其良時而用之鄭司農云良裘王所服也行羽物以羽物飛鳥賜羣吏玄謂良裘玉藻所謂黼裘與此羽物小鳥鷩雀之屬鷹所擊者中秋鳩化為鷹中春鷹化為鳩順其始殺與其將止而大班羽物○中音仲注同雉音毛毳先典反鷩音淳

季秋獻功裘以待頒賜。

功裘人功微麤謂狐青麤裘之屬鄭司農云功裘卿大夫所服○麤音迷

王大射則共虎侯熊侯豹侯設其鵠諸侯則共熊侯豹侯卿大夫

以射以下射義

高舉音同

則共麋侯皆設其鵠。

大射者為祭祀射王將有郊廟之事以射擇諸侯及羣臣與邦國所貢之士可以與祭者射者可以觀德行其容體比於禮其節比於樂而中多者得與於祭諸侯謂三公及王子弟封於畿內者卿大夫亦皆有采地焉其將祀其先祖亦與羣臣射以擇之凡大射各於其射官侯者其所射也以虎熊豹麋之皮飾其側又方制之以為高舉謂之鵠著于侯中所謂皮侯王之射虎侯王所自射也熊侯諸侯所射豹侯卿大夫以下所射諸侯之大射熊侯諸侯所自射豹侯羣臣所射卿大夫之大射麋侯君臣共射焉凡此侯道虎九十弓熊七十弓豹麋五十弓列國之諸侯大射大侯亦九十參七十千五十遠尊得伸可同耳所射正謂之侯者天子中之則能服諸侯諸侯以下中之則得為諸侯鄭司農云鷩鷩毛也方十尺曰侯四尺曰鵠二尺曰正四寸曰質玄謂侯中之大小取數於侯道鄉射記曰弓二寸以為侯中則九十弓者侯中廣丈八尺七十弓者侯中廣丈四尺五十弓者侯中廣一丈尊卑異等此數明矣考工記曰梓人為侯廣與崇方參分其廣而鵠居一焉然則侯中丈八尺者鵠方六尺

司農

卷七 冢宰治官之職

四

司農

侯中丈四尺者，鵠方四尺六寸大半寸，侯中一丈者，鵠方三尺三寸少半寸，謂之鵠者，取名於鵠，鵠小鳥而難中，是以中之為鵠，亦取鵠之言，較較者直也，射所以直已志，用虎熊豹麋之皮，示服猛討迷惑者，射者大禮，故取義象也，士不大射，士無臣，祭無所擇，故書諸侯則其熊侯虎侯，杜子春云：虎當為豹，為祭于雉，反以與音預，下得與同行，下孟反，比毗志反，而中丁仲反，下天子中之以下，中之而難中，以中皆同所射，食亦反，下自射所射共射皆同章，諸允反，本亦作準，著直略反，參素感反，干五且反，本又作犴，正音征，下同，鵠音干。

大喪，斂裘，飾皮車。

皮車，遣車之革路，故書廣為淫，鄭司農云：淫，裘陳裘也，玄謂，廢興也，若詩之興，謂象似而作之，凡為神之偶，衣物必活而小耳。  
○廢許金反，遣棄戰反，與虛磨反。

凡邦之皮事，掌之。歲終則會，唯王之裘與其皮事不會。

掌皮，掌秋斂皮，冬斂革，春獻之。

皮革，踰歲，乾久乃可用，獻之，獻其良者於王，以入司裘，給王用。

遂以式灋頒皮革于百工。

式灋，作物所用多少故事。

共其毳毛為氈，以待邦事。

當用氈，則共之，毳毛，毛細縛者。○毳，尺稅反，縛音辱。

歲終則會其財齋。

財，斂財本數及餘見者，齋所給予人以物曰齋，今時詔書或曰齋計吏，鄭司農云：齋或為資。○見賢遍反。

內宰掌書版圖之灋，以治王內之政令，均其稍食，分其人民以居。

之。

版謂宮中閭寺之屬及其子弟錄籍也。圖王及后世子之宮中吏官府之形象也。政令謂施閭寺者稍食吏祿稟也。人民吏子弟分之使眾者就寡均宿衛。

以陰禮教六宮。

鄭司農云陰禮婦人之禮六宮後五前一王之妃百二十人后一人夫人三人嬪九人世婦二十七人女御八十一人玄謂六宮謂后也婦人稱寢曰宮宮隱蔽之言后象王立六宮而居之亦正寢一燕寢五教者不敢斥言之謂之六宮若今稱皇后為中宮矣昏禮毋戒女曰夙夜毋違宮事。

以陰禮教九嬪。

教以婦人之禮不言教夫人世婦者舉中省文。

以婦職之灋教九御使各有屬以作二事正其服禁其奇袤展其功緒。

功緒。

婦職謂織紵組紃縫線之事九御女御也九九而御于王因以號焉使之九九為屬同時御又同事也至其服止踰侈奇袤若今媚道展猶錄也緒業也故書二為三杜子春云當為一一二事謂絲枲之事。○衰似嗟反本亦作邪紵女金反紃似倫反。

大祭祀后裸獻則贊。瑤爵亦如之。

謂祭宗廟王既裸而出迎牲后乃從後裸也祭統曰君執圭贊裸尸大宗執璋贊亞裸此大宗亞裸謂夫人不與而攝耳獻謂王薦腥薦孰后亦從後獻也瑤爵謂尸卒食王既酌尸后亞獻之其爵以瑤為飾。○裸古亂反與音預酌士新反。

正后之服位而詔其禮樂之儀。

薦徹之禮當與樂相應位謂房中戶內及阼所立處。

用豐

冢宰治官之職

六

永懷堂

斬

正

贊九嬪之禮事

助九嬪贊后之事九嬪者贊后薦玉盞薦徹豆籩○盞音咨

凡賓客之裸獻瑤爵皆贊

謂王同姓及二王之後來朝覲為賓客者裸之禮亞王而禮賓獻謂王饗燕亞王獻賓也瑤爵所以亞王酬賓也坊記曰陽侯殺穆侯而竊其夫人故大饗廢夫人之禮

致后之賓客之禮

謂諸侯來朝覲及女賓之賓客

凡喪事佐后使治外內命婦正其服位

使使其屬之上士內命婦謂九嬪世婦女御鄭司農云外命婦卿大夫之妻王命其夫后命其婦玄謂士妻亦為命婦

成

凡建國佐后立市設其次置其敘正其肆陳其貨賄出其度量淳制祭之以陰禮

市朝者君所以建國也建國者必面朝後市王立朝而后立市陰陽相承之義次司次也叙介次也陳猶處也度量尺也量豆區之屬鄭司農云佐后立市者始立市后立之也祭之以陰禮者市中之社先后所立社也故書淳為敦杜子春讀敦為純純謂幅廣也制謂匹長玄謂純制天子巡守禮所云制幣丈八尺純四狶與陰禮婦人之祭禮○朝直遙反純諸允反狶音紙

中春詔后帥外內命婦始蠶于北郊以為祭服

蠶于北郊婦人以純陰為尊郊必有公桑蠶室焉○中音仲

歲終則會內人之稍食稽其功事

內人主謂九御

司豐

卷七 冢宰治官之職

七

禮記

后而受獻功者。比其小大與其麤良而賞罰之。

獻功者九御之屬。鄭司農云。烝而獻功。玄謂典婦功。曰及秋獻功。

會內宮之財用。

計夫人以下所用財。

正歲均其稍食。施其功事。憲禁令于王之北宮。而糾其守。

均猶調度也。施猶賦也。北宮后之六宮。謂之北宮者。繫于王言之。明用王之禁令。令之守宿衛者。○調徒乎反。度待洛反。

上春詔王后帥六宮之人而生種。種之種而獻之于王。

六宮之人。夫人以下分居后之六宮者。古者使后宮藏種。以其有傳類蕃孳之祥。必生而獻之。示能育之。使不傷敗。且以佐王耕事。共禱郊也。鄭司農云。先種後孰謂之種。後種先孰謂之種。王當以耕種于藉田。玄謂詩云。黍稷種。種是也。夫人以下分居。

后之六宮者。每宮九嬪一人。世婦三人。女御九人。其餘九嬪三人。世婦九人。女御二十七人。從后唯其所燕息焉。從后者五日而沐浴。其次又上十五日而徧云。夫人如三公。從容論婦禮。○種直龍反。種音六種。章勇反。

內小臣掌王后之命。正其服位。

命。謂使令所為。或言王后。或言后通耳。○令力呈反。

后出入則前驅。

之道。

若有祭祀賓客喪紀。則擯。詔后之禮事。相九嬪之禮事。正內人之禮事。徹后之俎。

擯。為后傳辭。有所求為。詔相正者。異尊卑也。俎。謂后受尸之爵飲于房中之俎。○相息亮反。注同。為后于僞反。

周禮

冢宰治官之職

依禮堂



后有好事于四方。則使往。有好令於卿大夫。則亦如之。

后於其族親所善者使往問遺之。○好呼報反。遺唯季反。

掌王之陰事陰令。

陰事羣妃御見之事。若今掖庭令。晝漏不盡八刻。日錄所記。推當御見者。陰令。王所求為於北宮。○見賢遍反。

閽人掌守王宮之中門之禁。

中門於外內為中。若今宮中閽門。鄭司農云。王有五門。外曰臯門。二曰雉門。三曰庫門。四曰應門。五曰路門。路門。一曰畢門。玄謂雉門。三門也。春秋傳曰。雉門災及兩觀。○觀古亂反。

喪服凶器不入宮。潛服賊器不入宮。奇服怪民不入宮。

喪服衰經也。凶器明器也。潛服若衷甲者。賊器盜賊之任器。兵器物皆有刻識。奇服衣非常。春秋傳曰。龍奇無常。怪民狂易。○衰

閔二年

閔

徐音崔識。式志反。尤士江反。易以政反。

凡內人公器賓客無帥。則幾其出入。

三者之出入。當須使者符節。乃行。鄭司農云。公器將持公家器出入者。幾謂無將帥引之者。則苛其出入。○帥色類反。注同使。色吏反。將帥子匠反。

以時啓閉。

時漏盡。

凡外內命夫命婦出入。則為之關。

辟行人使無干也。內命夫。卿大夫士之在宮中者。○為于偽反。關本又作辟。

掌埽門庭。

周禮

卷七 冢宰治官之職

七

禮記

門庭門相當之地。○歸素報反

大祭祀喪紀之事。設門燎。蹕官門廟門。

燎。地燭也。蹕。止行者。廟在中門之外。

凡賓客亦如之。

寺人掌王之內人及女宮之戒令。相道其出入之事而糾之。

內人。女御也。女宮。刑女之在宮中者。糾。猶督察也。○相息亮反。道徒報反。後同。

若有喪紀賓客祭祀之事。則帥女宮而致于有司。

有司。謂官卿世婦。

佐世婦治禮事。

王應。電曰。女官。民間婦女。服公事於官中者。皆謂曰女。女。迎女。酒。屬。秋。宰。云。以此。戰。及。世。婦。春。官。世。婦。春。政。之。則。女。官。皆。從。禮。事。之。後。夫。堂。以。刑。女。為。之。

世婦二十七世婦

掌內人之禁令。凡內人弔臨于外。則帥而往。立于其前。而詔相之。

從世婦所弔。若哭其族親。立其前者。賤也。賤而必詔相之者。出入於王宮。不可以闕於禮。

內豎掌內外之通令。凡小事。

內。后六宮外。卿大夫也。使童豎通王內外之命。給小事者。以其無與為禮。出入便疾。內外以大事聞王。則俟朝而自復。○朝直。

遙反

若有祭祀賓客喪紀之事。則為內人蹕。

內人。從世婦有事於廟者。內豎為六官蹕者。以其掌內小事。○為于偽反。

王后之喪。遷于宮中。則前蹕。及葬。執褻器。以從遣車。

周禮

卷七 冢宰治官之職

十

承襲堂

月示

喪遷者將葬朝于廟，褻器振飾，箱沐之器。○遣棄戰反，箱呼內反。

九嬪掌婦學之灋，以教九御。婦德，婦言，婦容，婦功，各帥其屬，而以

時御叙于王所。

婦德謂貞順，婦言謂辭令，婦容謂婉婉，婦功謂絲枲。自九嬪以下，九九而御於王所。九嬪者，既習於四事，又備於從入之道，是以教女御也。教各帥其屬者，使亦九九相與從於王所息之燕寢御，猶進也。勸也。進勸王息，亦相次叙。凡羣妃御見之法，月與后妃其象也。卑者宜先，尊者宜後。女御八十一人，當九夕。世婦二十七人，當三夕。九嬪九人，當一夕。三夫人當一夕，后當一夕，亦十五日而徧云。自聖後反之。孔子云：日者天之明月者地之理，陰契制故月上屬為天，使婦從夫，放月紀。○婉音晚，見賢遍反。月上時掌反。放方往反。

凡祭祀，贊玉盥，贊后薦徹豆籩。

考經援神契以其孔子之書故謂孔子云

王齋后不徹者為其乞餼，且不入于房。

若有賓客，則從后。

當贊后事

大喪，帥叙哭者亦如之。

亦從后，帥猶道也。后哭之，衆次叙者乃哭。

周禮卷七 終

卷七 冢宰治官之職

七

依禮堂



王使往吊

女御掌御叙于王之燕寢。

言掌御叙防上之專妬者于王之燕寢則王不就后宮息

以歲時獻功事。

絲泉成功之事

凡祭祀贊世婦。

助其帥泄女宮

大喪掌沐浴。

王及后之喪

后之喪持翣。

翣棺飾也持而從柩車○翣所甲反

從世婦而弔于卿大夫之喪。

從之數蓋如使者之介云○使所吏反

女祝掌王后之內祭祀凡內禱祠之事。

內祭祀六宮之中竈門戶禱疾病求瘳也祠報福

掌以時招梗禴禳之事以除疾殃。

鄭大夫讀梗為亢謂招善而亢惡去之杜子春讀梗為更玄謂梗禦未至也除災害曰禴禴猶刮去也卻變異曰禴禴禳也四禮唯禴其遺象今存○禴古外反禴如羊反去起呂反

女史掌王后之禮職。掌內治之貳。以詔后治內政。

內治之法。本在內宰。書而貳之。

逆內宮。

鉤考六宮之訖。

書內令。

后之令。

凡后之事。以禮從。

亦如大史之從於王。

典婦功。掌婦式之灋。以授嬪婦。及內人女功之事。齋。

婦式。婦人事之模範。灋。其用財舊數。嬪婦。九嬪世婦。言及以蘇之者。容國中婦人。贊善。工於事者。事齋。謂以女功之事。來取絲。泉。故書齋為資。杜子春。讀為資。鄭司農云。內人。謂女御。女功。事資。謂女功。絲。泉之事。○齋音咨。

凡授嬪婦功。及秋獻功。辨其苦良。比其小大而賈之。物書而楬之。

授當為受聲之誤也。國中嬪婦所作。成即送之。不須獻功時。賈之者。物不正齊。當以泉計通功。鄭司農。苦讀為監。謂分別其織。帛與布紵之。麗細。皆比方其大小。書其賈數。而著其物。若今時題署物。

以共王及后之用。頒之于內府。

典絲。掌絲入而辨其物。以其賈楬之。

絲入。謂九職之。嬪婦所貢絲。

掌其藏與其出。以待興功之時。

周禮

卷八 冢宰治官之職

七

永懷堂

絲之貢少藏之出之可同官也時者若溫煖宜縑角清涼宜文繡

頒絲于外內工皆以物授之。

外工外嬪婦也內工女御

凡上之賜予亦如之。

王以絲物賜人

及獻功則受良功而藏之辨其物而書其數以待有司之政令上之賜予

良當為苦字之誤受其龜鹽之功以給有司之公用其良功者典婦功受之以共王及后之用鄭司農云良功絲功縑帛○良音苦出注

凡祭祀共黼畫組就之物。

以給衣服冕旒及依盥巾之屬白與黑謂之黼采色一成曰就○依於豈反

喪紀共其絲續組文之物。

以給線縷著肝口綦握之屬青與赤謂之文○續音曠著直略反肝香于反

凡飾邦器者受文織絲組焉。

謂茵席屏風之屬○織音志茵音因

歲終則各以其物會之。

種別為計鄭司農云各以其所飾之物計會傳著之○傳音附

典枲掌布總縷紵之麻草之物以待時頒功而授齋。

謂之文績人職之文

雜記  
若恐苦

周禮

卷八

四

承懷堂

及獻功受苦功以其賈褐而藏之以待時頒

其良功亦入於典婦功以共王及后之用  
鄭司農云苦功謂麻功布紵○苦音古

頒衣服授之賜予亦如之

授之授受班者帛言待有司  
之政令布言班衣服互文

歲終則各以其物會之

內司服掌王后之六服禕衣揄狄闕狄鞠衣展衣緣衣素沙

鄭司農云禕衣畫衣也祭統曰君卷冕立于阼夫人副禕立于  
東房揄狄闕狄畫羽飾展衣白衣也喪大記曰復者朝服君以  
卷夫人以屈狄世婦以禮衣屈者音聲與闕相似禮與展相似  
皆婦人之服鞠衣黃衣也素沙赤衣也玄謂狄當為翟翟雉名

伊維言爾雅文

伊維而南素質五色皆備成章曰鞶江淮而南青質五色皆備  
成章曰搖王后之服刻繒為之形而采畫之綴於衣以為文章  
禕衣畫翟者揄翟畫搖者闕翟刻而不畫此三者皆祭服從王  
祭先王則服禕衣祭先公則服揄翟祭羣小祀則服闕翟今世  
有圭衣者蓋三翟之遺俗鞠衣黃桑服也色如鞠塵象桑葉始  
生月令三月薦鞠衣于先帝告桑事展衣以禮見王及賓客之  
服字當為禮禮之言宜宜誠也詩國風曰玼兮玼兮其之翟也  
下云胡然而天也胡然而帝也言其德當神明又曰嗟兮嗟兮  
其之展也下云展如之人兮邦之媛也言其行配君子二者之  
義與禮合矣雜記曰夫人服稅衣揄狄又喪大記曰士妻以祿  
衣言祿者甚衆字或作稅此緣衣者實作祿衣也祿衣御于王  
之服亦以燕居男子之祿衣黑則是亦黑也六服備於此矣禕  
揄狄展聲相近緣字之誤也以下推次其色則闕狄亦揄狄青  
禕衣玄婦人尚專一德無所兼連衣裳不異其色素沙者今之  
白縹也六服皆袍制以白縹為裏使之張顯今世有沙縠者各  
出于此○禕音暉揄音遙緣吐亂反卷古本反朝直遙反禮張  
彥反鞶音暉見王賢遍反宜丹但反玼音此本  
亦作瑳倉我反行下孟反稅吐亂反縹劉音縹

周禮

卷八

五

承懷堂

冢宰治官之職



辨外內命婦之服。鞠衣、展衣、緣衣、素沙。

內命婦之服。鞠衣，九嬪也。展衣，世婦也。緣衣，女御也。外命婦者，其夫孤也，則服鞠衣。其夫卿大夫也，則服展衣。其夫士也，則服緣衣。三夫人及公之妻，其闕狄以下，平侯伯之夫人，揄狄，子男之夫人，亦闕狄。唯二王後禕衣。

凡祭祀賓客，共后之衣服。及九嬪世婦，凡命婦，共其衣服，共喪衰亦如之。

凡者，凡女御與外命婦也。言及言凡，殊貴賤也。春秋之義，王人雖微者，猶序乎諸侯之上，所以尊尊也。臣之命者，再命以上受服，則下士之妻不共也。外命婦，唯王祭祀賓客，以禮佐后，得服此。上服自於其家則降焉。○衰，七雷反。上時掌反。

后之喪，共其衣服，凡內具之物。

內具，紛、脫、線、纁、鞶、褱之屬。○脫，如銳反。徐音歲。鞶，步。褱，反。褱，陳乙反。

分羊信八年經傳

干

縫人掌王宮之縫線之事，以役女御，以縫王及后之衣服。

女御，裁縫王及后之衣服，則為役助之。宮中餘裁縫事，則專為焉。鄭司農云：線，縷也。

喪縫棺飾焉。

孝子既啓見棺，猶見親之身，既載飾而以行，遂以葬。若存時居，于帷幕而加文繡，喪大記曰：飾棺，君龍帷，三池，振容，黼荒，火，二列，黻，三列，素錦，褚，加偽荒，纁，紐，六，齊，五，采，五，貝，黼，嬰，二，黻，嬰，二，畫，嬰，二，皆戴圭，魚，躍，拂，池，君纁，戴六，纁，披六，此諸侯禮也。禮器曰：天子八，嬰，諸侯六，大夫四，嬰，漢禮器制度，飾棺，天子龍，火，黼，黻，皆五列，又有龍，嬰，二，其戴皆加璧，故書焉為馬。杜子春云：當為焉。○嬰，本又作。妾所甲反。披，彼偽反。

衣嬰柳之材。

必先纏衣其本，乃以張飾也。柳之言聚，諸飾之所聚。書曰：分命和仲，度西曰柳穀，故書嬰柳。作接，檟，鄭司農云：接，讀為躒，檟，讀

周禮

冢宰治官之職

六

禮記

鄭注云偽當為帷孔云禘屋也

材

左襄二十五年今說作翠宅

周禮

卷八

六

永懷堂

為柳皆指節檀弓曰周人牆置髮春秋傳曰四趾不蹕○衣於既反注同度西音宅古文宅與度字相似接擯上所甲反下音柳翌所甲反

### 掌凡內之縫事

染人掌染絲帛凡染春暴練夏纁玄秋染夏冬獻功

暴練練其素而暴之故書纁作黛鄭司農云黛讀當為纁纁謂絳也夏大也秋乃大染玄謂纁玄者謂始可以染此色者玄纁者天地之色以為祭服石染當及盛暑熱潤始湛研之三月而後可用考工記鍾氏則染纁術也染玄則史傳闕矣染夏者染五色謂之夏者其色以夏狄為飾禹貢曰羽畎夏狄是其總名其類有六曰翬曰雉曰鶩曰雉曰希曰蹲其毛羽五色皆備成章染者擬以為深淺之度是以放而取各焉○暴步反夏戶雅反後除春夏之字皆同可以意求黛音勳湛子廉反吠古犬反鳥直劉反劉音壽放方往反

有六布雅秋鳥

卜

### 掌凡染事

追師掌王后之首服為副編次追衡笄為九嬪及外內命婦之首服以待祭祀賓客

鄭司農云追冠名士冠禮記曰委貌周道也章甫殷道也牟追夏后氏之道也追師掌冠冕之官故并主王后之首服副者婦人之首服祭統曰君卷冕立于阼夫人副禕立於東房衡維持冠者春秋傳曰衡統紘紕玄謂副之言覆所以覆首為之飾其遺象若今步繅矣服之以從王祭祀編編列髮為之其遺象若今假紒矣服之以桑也次次第髮長短為之所謂髮髻服之以見王王后之燕居亦繅笄總而已追猶治也詩云追琢其璋王后之衡笄皆以玉為之唯祭服有衡垂于副之兩旁當耳其下以統縣瑱詩云玼兮玼兮其之翟也鬢髮如雲不屑髻也玉之瑱也是之謂也笄卷髮者外內命婦衣鞠衣覆衣者服編衣祿衣者服次外內命婦非王祭祀賓客佐后之禮自於其家則亦降焉少牢饋食禮曰主婦髮髻衣袂特牲饋食禮曰主婦繅

桓二年

繅下同

俊音同

周禮

卷八

冢宰治官之職

七

永懷堂

笄宵衣是也昏禮女次純衣攝盛服耳主人爵弁以迎移袂祿衣之袂凡諸侯夫人於其國衣服與王后同○追丁回反冠禮古亂反卷古本反統丁敢反絃音宏緹以然反籙以招反紒音計髮皮奇反髡本又作髡大計反以見賢遍反經所買反又所綺反縣音玄瑱它見反鬢之忍反鬻大計反卷髮眷免反衣鞠於既反下衣祿同

喪紀共笄經亦如之

屨人掌王及后之服屨為赤烏黑烏赤纁黃纁青句素屨葛屨

履自明矣必連言服者著服各有屨也履下曰烏禪下曰屨古人言屨以通於履今世言屨以通於禪俗易語反與烏屨有紉有纁有純者飾也鄭司農云赤纁黃纁以赤黃之絲為下綠士喪禮曰夏葛屨冬皮屨皆纁緇純禮家說纁亦謂以采絲縹其下玄謂凡屨烏各象其裳之色士冠禮曰玄端黑屨青紉纁純素積白屨緇紉纁純爵弁纁屨黑紉纁純是也王吉服有九烏有三等赤烏為上冕服之烏詩云王錫韓侯玄衮赤烏則諸侯與王同下有白烏黑烏王后吉服六唯祭服有烏玄烏為上禕

衣之烏也下有青烏赤烏鞠衣以下皆屨耳句當為紉聲之誤也紉纁純者同色今云赤纁黃纁青紉雜五言之明烏屨衆多反覆以見之凡烏之飾如纁之次赤纁者王黑烏之飾黃纁者王后玄烏之飾青紉者王白烏之飾言纁必有紉純言紉亦有纁純三者相將王及后之赤烏皆黑飾后之青烏白飾凡屨之飾如纁次也黃屨白飾白屨黑飾黑屨青飾紉謂之拘若烏屨之頭以為行戒纁緇中緇純緣也天子諸侯吉事皆烏其餘唯服冕衣翟著烏耳士爵弁纁屨黑紉纁純尊祭服之屨飾從纁也素屨者非純吉有凶去飾者言葛屨明有用皮時○纁於力反句音劬著服知略反紉音劬有純章允反緣悅面反礫音歷覆方服反以見賢遍反著烏知略反紉音巡衣翟於既反

辨外內命夫命婦之命屨功屨散屨

命夫之命屨纁屨命婦之命屨黃屨以下功屨次命屨於孤卿大夫則白屨黑屨九嬪內子亦然世婦命婦以黑屨為功屨女御士妻命屨而已士及士妻謂再命受服者散屨亦謂去飾○散素但反

凡四時之祭祀以宜服之。

祭祀而有素履散履者唯大祥時

夏采掌大喪以冕服復于大祖以乘車建綏復于四郊。

求之王平生常所有事之處乘車玉路於大廟以冕服不出宮也四郊以綏出國門此行道也鄭司農云復謂始死招魂復魄士喪禮曰士死于適室復者一人以爵弁服升自東榮中屋北面招以衣曰臯某復三降衣于前受用篋升自阼階以衣尸喪大記曰復男子稱名婦人稱字唯哭先復言死而哭哭而復奠其復反故檀弓曰復盡愛之道也望反諸幽求諸鬼神之道也北面求諸幽之義也檀弓又曰君復於小寢大寢小祖大祖庫門四郊喪大記又曰復者朝服君以卷夫人以屈狄大夫以玄纁世婦以禕衣士以爵弁士妻以稅衣雜記曰諸侯行而死於館則其復如於其國如於道則升其乘車之左轂以其綏復大夫死於館則其復如於家死於道則升其乘車之左轂以其綏復喪大記又曰為賓則公館復私館不復夏采天子之官故以

依字 干

冕服復于大祖以乘車建綏復于四郊天子之禮也大祖始祖廟也故書綏為禕杜子春云當為綏禕非是也玄謂明堂位曰凡四代之服器曾兼用之有虞氏之旂夏后氏之綏則旂旂有是綏者當作綏字之誤也綏以旄牛尾為之綴於幢上所謂注旄於于首者王祀四郊乘玉路建大常今以之復去其旂異之於生亦因先王有徒綏者士冠禮及玉藻冠綏之字故書亦多作綏者今禮家定作蕤○乘繩證反注乘車皆同綏作綏誤作綏耳適丁歷反衣尸於既反復扶又反朝直遙反卷古本反禕勅貞反禕音維幢直江反

周禮卷八終



人胥十有二人。徒百有二十人。

師長也。司徒掌六鄉。鄉師分而治之。二人者共三鄉之事。相左右也。○長丁丈反。

鄉老二。鄉則公一人。鄉大夫每鄉卿一人。州長每州中大夫一人。

黨正每黨下大夫一人。族師每族上士一人。閭胥每閭中士一人。

比長五家下士一人。

老尊稱也。王置六鄉。則公有三人也。三公者。內與王論道。中參六官之事。外與六鄉之教。其要為民。是以屬之。鄉焉。州黨族閭比。鄉之屬別。正師胥皆長也。正之言政也。師之言帥也。胥有才知之稱。載師職曰。以官田牛田賞田牧田任遠郊之地。司勳職曰。掌六鄉之賞地。六鄉地在遠郊之內。則居四同。鄭司農云。百里內為六鄉。外為六遂。○比毗志反。為民于僞。反帥所類反。

封人中士四人。下士八人。府二人。史四人。胥六人。徒六十人。

聚土曰封。謂墮墉埒及小封疆也。○埒音眉。埒音劣。疆居良反。

鼓人中士六人。府二人。史二人。徒二十人。

舞師下士二人。胥四人。舞徒四十人。

舞徒給繇役。能舞者以為之。○繇音遙。

牧人下士六人。府一人。史二人。徒六十人。

牧人養牲於野田者。詩云。爾牧來思。何蓂何筮。或負其餼。三十維物。爾牲則具。○何胡可反。止。素禾反。笠音立。餼音侯。

牛人中士二人。下士四人。府二人。史四人。胥二十人。徒二百人。

主牧公家之牛者。詩云。誰謂爾無牛。九十其惇。惇者九十。其餘多矣。○惇而純反。

充人下士二人。史二人。胥四人。徒四十人。

詩無羊

克猶肥也，養繫牲而肥之。

載師上士二人。中士四人。府二人。史四人。胥六人。徒六十人。

載之言事也，事民而稅之，禹貢曰：冀州既載，載師者，閭師、縣師、遺人，均人、官之長。

閭師中士二人。史二人。徒二十人。

主徵六鄉賦貢之稅者，鄉官有州黨族閭比，正言閭者，徵民之稅，宜督其親民者，凡其賦貢人，大府、穀人、倉人。

縣師上士二人。中士四人。府二人。史四人。胥八人。徒八十人。

主天下土地人民已下之數，徵野賦貢也，名曰縣師者，自六鄉以至邦國，縣居中焉，鄭司農云：四百里曰縣。

遺人中士二人。下士四人。府二人。史四人。胥四人。徒四十人。

鄭司農云：遺，讀如詩曰：棄予如遺之遺，玄謂以物有所饋遺。○遺，維季反，注同。

均人中士二人。下士四人。府二人。史四人。胥四人。徒四十人。

均，猶平也，主平土地之力政者。

師氏中大夫一人。上士二人。府二人。史二人。胥十有二人。徒百有二十人。

師，教人以道者之稱也，保氏、司諫、司救、官之長，鄭司農云：詩云：橋維師氏。○橋，俱禹反。

保氏下大夫一人。中士二人。府二人。史二人。胥六人。徒六十人。

保安也，以道安人者也，書敎曰：周公為師，召公為保，相成王為左右，聖賢兼此官也。○相息亮反。

司諫中士二人。史二人。徒二十人。

諫，猶正也，以道正人行。○行，下孟反。

司救中士二人史二人徒二十人。

救猶禁也以禮禁人之過者也。

調人下士二人史二人徒十人。

調猶和合也。

媒氏下士二人史二人徒十人。

媒之言謀也謀合異類使和成者今齊人名趨熱曰媒。○趨起六反熱魚列反。

司市下大夫二人上士四人中士八人下士十有六人府四人史

八人胥十有二人徒百有二十人。

司市市官之長。

質人中士二人下士四人府二人史四人胥二人徒二十人。

質平也主平定物賈者。○賈音嫁下物賈及賈八人同。

廛人中士二人下士四人府二人史四人胥二人徒二十人。

故書廛為壇杜子春讀壇為廛說云市中空地玄謂廛民居區域之稱。

胥師二十肆則一人皆二史賈師二十肆則一人皆二史司聽十

肆則一人司稽五肆則一人胥二肆則一人肆長每肆則一人。

自胥師以及司稽皆司市所自辟除也胥及肆長市中給繇役者胥師領羣胥賈師定物賈司暴禁暴亂司稽察留連不時去者。○賈音古辟必亦反。

泉府上士四人中士八人下士十有六人府四人史八人賈八人。



徒八十人。

鄭司農云故  
黃泉或作錢

司門下大夫二人。上士四人。中士八人。下士十有六人。府二人。史四人。胥四人。徒四十人。每門下士二人。府一人。史二人。徒四人。

司門若今城門校尉  
主王城十二門

司關上士二人。中士四人。府二人。史四人。胥八人。徒八十人。每關下士二人。府一人。史二人。徒四人。

關界上之門

掌節上士二人。中士四人。府一人。史四人。胥二人。徒二十人。

節猶信也。行者所執之信。

遂人。中大夫二人。遂師下大夫四人。上士八人。中士十有六人。旅下士三十有二人。府四人。史十有二人。胥十有二人。徒百有二十人。

遂人主六遂。若司徒之於六鄉也。六遂之地。自遠郊以達于畿中。有公邑家邑小都大都焉。鄭司農云。遂謂王國百里外。

遂大夫每遂中大夫一人。縣正每縣下大夫一人。鄙師每鄙上士一人。鄆長每鄆中士一人。里宰每里下士一人。鄰長五家則一人。

縣鄙鄆里鄰遂之屬別也。○鄆作管反。

旅師中士四人。下士八人。府二人。史四人。胥八人。徒八十人。

周禮

卷九 司徒教官之屬

五

水滸堂

主斂縣師所徵野之賦穀者也。旅猶處也。六遂之官，里宰之師也。正用里宰者，亦斂民之稅，宜督其親民。

**稍人**下士四人。史二人。徒十有二人。

主為縣師令都鄙丘甸之政也。距王城三百里曰稍。家邑小都大都自稍以出焉。○為于偽反。

**委人**中士二人。下士四人。府二人。史四人。徒四十人。

主斂甸稍芻薪之賦，以共委積者也。

**土均**上士二人。中士四人。下士八人。府二人。史四人。胥四人。徒四

十人。

均，猶平也。主平土地之政令者也。

**草人**下士四人。史二人。徒十有二人。

草除

**稻人**上士二人。中士四人。下士八人。府二人。史四人。胥十人。徒百

人。

**土訓**中士二人。下士四人。史二人。徒八人。

鄭司農云：訓，讀為馴，謂以遠方土地所生異物告道王也。爾雅云：訓，道也。玄謂能訓說土地善惡之勢。

**誦訓**中士二人。下士四人。史二人。徒八人。

能訓說四方所誦習及人所作為久時事。

**山虞**每大山中士四人。下士八人。府二人。史四人。胥八人。徒八十

人。中山下士六人。史二人。胥六人。徒六十人。小山下士二人。史一

人。

同豐 卷九 司徒教官之屬

六

永懷堂

人徒二十人。

虞度也。度知山之大小及所生者。○度徒洛反。

林衡每大林麓。下士十有二人。史四人。胥十有二人。徒百有二十

人。中林麓如中山之虞。小林麓如小山之虞。

衡平也。平林麓之大小及所生者。竹木生平地曰林。山足曰麓。○麓音祿。

川衡每大川。下士十有二人。史四人。胥十有二人。徒百有二十人。

中川。下士六人。史二人。胥六人。徒六十人。小川。下士二人。史一人。

徒二十人。

川流水也。禹貢曰九川滌源。

澤虞每大澤。大藪。中士四人。下士八人。府二人。史四人。胥八人。徒

八十人。中澤。中藪。如中川之衡。小澤。小藪。如小川之衡。

澤水所鍾也。水希曰藪。禹貢曰九澤既陂。爾雅有八藪。○陂彼宜反。

迹人。中士四人。下士八人。史二人。徒四十人。

迹之言跡。知禽獸處。

井人。中士二人。下士四人。府二人。史二人。胥四人。徒四十人。

井之言礦也。金玉未成器曰礦。○井徐音礦。號猛反。

甸人。下士二人。府一人。徒八人。

羽人。下士二人。府一人。徒八人。

掌葛下士二人。府一人。史一人。胥二人。徒二十人。

掌染草下士二人。府一人。史二人。徒八人。

染草，藍蒨象斗之屬。○蒨，于見反。象本或作椽，音同。

掌炭下士二人。史二人。徒二十人。

掌荼下士二人。府一人。史一人。徒二十人。

荼，茅莠。○荼音徒。

掌蜃下士二人。府一人。史一人。徒八人。

蜃，大蛤。月令：孟冬，雉入大水為蜃。○蜃上忍反。蛤古荅反。

圃人。中士四人。下士八人。府二人。胥八人。徒八十人。

圃，今之苑。

場人。每場下士二人。府一人。史一人。徒二十人。

場，築地為墀。季秋，除圃中為之。詩云：九月築場圃，十月納禾稼。○墀音善。

廩人。下大夫二人。上士四人。中士八人。下士十有六人。府八人。史十有六人。胥三十人。徒三百人。

藏米曰廩。廩人，舍人。舍人，司祿官之長。

舍人。上士二人。中士四人。府二人。史四人。胥四人。徒四十人。

舍，猶宮也。主平官中用穀者也。

倉人。中士四人。下士八人。府二人。史四人。胥四人。徒四十人。

司祿中士四人下士八人府二人史四人徒四十人

主班祿

司稼下士八人史四人徒四十人

種穀曰稼如嫁女以有所生

春人奄二人女春枕二人奚五人

女春枕女奴能春與枕者枕抒白也詩云或春或枕○枕音由又音揄抒時女反

饎人奄二人女饎八人奚四十人

鄭司農云饎人主炊官也特牲饋食禮曰主婦視饎爨故書饎作饎○饎尺志反注饎同爨七亂反

豪人奄八人女豪每奄二人奚五人

鄭司農云豪讀為獯師之獯主冗食者故謂之獯○冗如勇反

周禮卷九 終

司走教官之屬



